

別王學博

匹馬長驅萬里平  
開樽莫計故人情  
客中愁是  
芳菲色趁未東風  
正好行

遣病



燕留春語草留青  
客路塵多已倦行  
病骨滿身  
堪自喜回頭憶得  
少年情

劉隱士

聞說移居山塢間  
依然市處並無山  
一茶數語  
徐徐別覺是山中  
杖策還

送子秋仲喜

悠然雲路渺難尋且向杯中忘客心去矣風流  
餘夜半蕭蕭絃管咽春陰

答張一

蘭花一卷故人遺病筆描來更可思點檢藁中  
深自恨經年無有贈君詩

答徐日方兼寄元聲兄弟

衙齋結得小茆亭五斗無心懶送迎爲報故人  
千里况別來唯有病多情

汪成龍

軟腰鬆髻舊青羅秋色花情爾占多輕眼一斜  
相逼甚問伊教我欲如何

江上

牢絡塵鞅暫出頭波光雲影復當秋自知今世  
無多業願作來生一野鷗

鄉夢

苦無情緒夢沉沉秋氣當空雲滿林爲向故園  
鶯柳道他鄉花好不留心

多病

攢眉作客已經年，賴有山雲滿案間。  
病色恐貽堂上慮，時時呼酒沃冰顏。

訪山客

巖花石竹傍雲生，榻上風翻書葉聲。  
喜此杯中無世態，偏於閒寂有餘情。

齋中

信手圍碁信口詩，偶然一夢日西移。  
賴因病懶多閒日，不負三春來去時。

湖上懷皆可諸丈

花飛片片草垂垂，問爾秋深何所思。  
可恨當湖好明月，遲予三日見君時。

述感

相對情濃感慨生，草亭無恙酒常春。  
君如問我鶯花在，換得今朝病裏身。

青韶臨水

滿砌幽花滿架書，滿容酒喜映香渠。  
短闌曲曲春衣倦，花玉風前蝶不如。

有感二首

簫鼓樓頭馬上絃一人喝采萬人傳  
晚來風雨紛紛散暗落春花誰可憐

其二

牕前一樹半谿斜從未逢時怨小家  
寂寂減容人不見病眸含雨莫看花

雨夜

蕉葉聲聲點雨忙殘書一卷半眠牀  
多情不必關心事雁過三迴淚萬雙

秋夜臨水獨坐

兩壑中分玉澗開蟬雲一盞坐莓苔  
愁當水月清明夜少放嬌花影入來

遠懷

暗雲西度影遲遲閒對殘鑪品玉蕤  
今日花開簾莫卷天涯應是病眠時

江南意

春暝初起鬢籠鴉一襲文衣妒晚霞  
心事柳花偷得去輕風送到阿誰家

自如集 卷六  
春雨懷寄


千里三年有夢思  
鎖樓烟樹雨西吹  
春寒花朵相憐恤  
唯我和君不可期

落花三首

遣疾溪邊覽物華  
步回贏得意無涯  
春嬌幾派紅綃隊  
歷亂隨風化落霞

其二

病起身輕汎水鳧  
斷雲秋色晚山孤  
池邊千朵蓮花舞  
今日殘紅影亦無



其二  
日課山兒黃白菘任他雙劍角雌雄病中間我  
何心事花吐新紅愁雨風

傷艾賓伯三首

何日能歸步紫苔署樓猶喜面山開鳴蟬忽作  
哀聲訴會有南昌書信來

其二

冶遊陌上試青鱗六馬圖開袞袞塵絕美少年  
都化去笑他花柳爲誰春

其三

一自君辭人世去我無情事亦身輕何能直向  
空山裏噴雨丹楓叫萬聲

夢別二首

宿鳥斜窺莫捲簾有期山半月猶銜金環一響  
人何在手吐衾餘護枕函

其二

堤柳紅橋曲曲深鑽籬小竹漸成陰月光照醒  
相期夢夢不還來月又沉

春去二首

流水湯湯何所之鳥鳴嗚咽更誰思三春總是  
傷秋日落得春歸也不知

其二

煙餘山逕雨餘樓忽動相思江上秋三月花開  
人正病到今空爲落花愁

多別

秋雲秋草任風批紀別年年東復西乍醒未衣  
閒問夢宵來何處聽猿啼

閨况

繡罷春綃意惘然細烟輕雨媚林蔭閒隨雙蝶  
園西去蝶過鄰家我自還

秋去矣而感秋之疾固在無冤秋也以寄  
子葵

任值良辰病不離任從歡處悶相隨庭無黃葉  
玄蟬寂枉怨西風秋在時

春思二首懷翩翩

綠玉條條烟半開碎綿飛繞徧青苔春風自是

多情致可得吹君入夢來

其二

年年花信傳無已今日風歸信不傳總是一聲  
春枕上人聞鶯語我聞鶻

紀別

薄霧平勻萬樹滋多情偏與寡緣期一年有夢  
皆離別但卜今宵向別誰

夢原博

君抱才華泉下老百端無復費相商悠悠聚散

皆閒事賴有夢中人意長

野集

橋東一去泱泱水  
蕊玉烟香澹  
旖旎滿坐不聞  
獨我聞一聲鴉  
鳩殘花裏

秋病二首

薜荔墻頭挂雨絲  
衍波塵閣少新詩  
生來種得花情重  
病臥一秋落葉時

其二

回首紅妝五十絃  
湘妃一曲海棠顛  
情深不忍

看花謝自到秋來只病眼

惜花二首

切莫栽花臨水濱  
開時曾得幾芳辰  
悠悠一去無回首  
辜負憐春惜別人

其二

落花原自有根芽  
曾亦藏鶯伴月斜  
今日水流紅片片  
故枝烟鎖阿誰家

悼原博

酒酣相與臥庭柯  
無限交情一隙過  
世上風波

白雲集 卷六  
三  
泉下月君應憐我惡緣多

原博玄仲

方歎幽竈不可招  
可堪雙帶更飄飄  
泉臺一見寒溫了  
定問人間第一交

幼卿朱鳳玉華

十年魂夢邈難儔  
玄鶴孤鶩萬仞秋  
從此不愁生死事  
美人強半碧雲遊

閨夢

竹底春醒小燕飛  
午殘一夢見依稀  
有期未訂

忙分手半臉餘痕壓枕衣

不遇

約我春來誤及秋  
空樽相對遠山愁  
歌殘未久薰風在一縷  
餘春足此遊

秋閨二首

未暮歸來燕子忙  
雨天偏得稱啼妝  
垂眠不忍看花悴  
葉上聲聲滴斷腸

其二

靜掩春菟落日遲  
叢林影裏淡燕支  
病中懶問

花消息小鳥嚶嚶弔故枝

又送王學博歸滇南

幾年宦跡海雲鷗  
劔臯空懸明月鈎  
此地勸君休費淚  
前途秋草更悠悠

有悼十三首

去去空庭雲影怵  
一聲漁笛滿林霜  
書來恨向人前拆  
眼看飛花淚入腸

其二

南塘相對月虛弓  
琴指含情寫醉翁  
歷歷暗思

如昨事霜花一片委秋風

其三

一聞消息淚潺湲  
能復春華駐好顏  
細檢別來無惡夢  
強疑還在有無間

其四

空枝寂寂海棠寬  
剩得當年笑語溫  
久坐簾前一樽月  
從今收拾臥黃昏

其五

堤柳陰陰紫玉珂  
少年情悔昔時多  
橫塘草雨

自效集 卷六  
花風下定有雙聲子夜歌

其六

鵲尾烟沉蕙帳空十年交與送歸鴻輕紅縱好  
情誰付謝得宵來一樹風

其七

原是葦洲宮裏客安能絳雪點丰姿暗雲零落  
悲啼鳥已在書前報我知

其八

鈿朶飛歸白玉鸞墓門深鎖淚風寒生前可惜

懶相訪今日夢中一刻難

其九

嚶嚶難聞奈鴈奴鑪灰已冷未更蘇離多每結  
秋風恨今欲離多更得無

其十

花仙獨占懷春夢壓倒繁紅誰與共今日東君  
也不容不教結得花仇重

其十一

月露堦頭總沒苔無緣花酒任相猜意中若有

催歸事未十餘旬此信來

其十二

所期難再燭陰偏月自臨溪風自漣固是琪花  
常不謝人間香色已茫然

其十三

千里懷君君在麼頻年無信信如何滿衣淚跡  
人休問早向春薇露逕過

友人死有冤以買姬致疾者

白鷺洲邊楊柳枝風流猶自掛絲絲維揚幾萬

高低塚豈盡臺城裘馬兒

夢期荻那二首

別來何計好懷開夜影空濛滑露苔我有欲言  
勤就枕君多心事記清來

其二

當年曾挾風雲氣今日誰憐冰雪顏期汝夢覓  
行及蚤來途隔有萬重山

懷素玉

遙憶佳人畫不如庭柯葉響立躊躇鶯聲付與

春風去吹入青樓午夢餘

夜別

瓶插野棠嬌玉面  
牕橫梅子結青瓔  
連牀話別煎寒雨  
忽忽池魚沒水聲

送別歸

送別歸來當日暮  
野禽三五穿雲度  
欲避芭蕉點雨聲  
竹牀移向東牕臥

祝生病

白鷗橋下弄清漪  
燕子心忙簾捲遲  
我意凄然

君尚病殘書風雨杏花時

痛祝生四首末首爲生招魂

月浪吹殘碎錦光  
多情元不耐情長  
琪園收去爲花主  
幸與人間一瓣香

其二

暮暮朝朝不記年  
何分歿後與生前  
凝眸細憶君何在  
髣髴牀頭燈影邊

其三

絕異才仙去宵冥  
魂香猶結桂風清  
遺縑幸有

生前慧夜夜翻嗔剔短檠

其四

寂寂言愁起暗埃半餘丹葉半青苔月深無底  
風燈笑背摘芙蓉寒影來

別梁丹甫

風送帆秋兩袖分近花飛處遠波紋傷情脉脉  
難爲賦寄與鶯聲帶贈君

作雲期曲懷人因寄

濁酒三杯慰所懷離離荒草舊歌臺白雲意急

秋風懶目斷天涯期不來

湖上喜值

世上浮沉付水雲閒書一卷面山羣忽來一陣  
空秋色亟喚開門卻是君

友人作病顏詩代爲贈答各二章

山外雲攀客夢長踏莎未闕馬蹄忙朱顏暗與  
君同去一路飛花莫踐傷

其二

啼鳥鳴蟬不可聞白蘋丹樹恨紛紛別來無物

自妙集 卷六  
能將意日減春顏寄贈君

答

斷魄中流一線分萬千心事託秋雲芳顏千里  
蒙君贈賴有慙慙病答君

邀夢

愁殺路長寒夢短離魂未到夢將醒願君早睡  
魂先走到我夢初來半程

樓望

高樓風盡鷓鴣斑  
昨夜愁堆遊子顏願作來生

無恙鳥悠悠千里白雲山

野步

步出空山山欲暮癡與白雲隨步去雲肯遲留  
風急催飛過深溪莫舟渡

鴛鴦枕

紫帳斜牽燭影偏三更春雨足情田羨伊浴罷  
雙飛去猶自沙溫柳護眠

促至二首

片片秋帆挂夕曛山深樹樹鳥呼羣多情唯有

自好集 卷六 四  
江灘月未報歸期日待君

其二

背陰淺吐綠苹開佩綰春綃薄霧裁贈我萬雙  
臨別淚不如一日早歸來

春意

花日當牕度影遲畫眉含意欲投誰雙聲付與  
春風管淮水樓頭莫向吹

雨樓

小樓面面對山開亂石無奇也綠苔一自雨流

花信去東風不送好春來

自悵

命薄所交皆命薄秋聲燕子怨何誰願君與我  
無多好但一情深有別離

期飲

烟樹離離月泛湖樽前借爾一冰壺莫言明月  
無勞贈昨夜月明君見無

風緩

江芷留人不忍歸一灣釣艇蕩秋暉狂風亦得

自妙集 卷六 三  
憐香意纔着花枝氣力微

雁

漁火疎疎夜半明  
斷雲殘雨雁孤行  
十家九作天涯夢  
飛過江樓且禁聲

送春

天名春歸春去忙  
任他歸去莫牽腸  
人間爲汝多愁恨  
天上無情去不妨

江船

玲瓏雲色淡  
細裾新月寒  
空吐鏡餘江上怨  
歌

流入夢悠悠  
遷客意何如

餞

去爲功名好  
着鞭劍鋒長  
掛碧羅天相思不斷  
如春草千里隨君在馬前

別怨

馬上霜天倦  
行李千行淚  
落桃花水莫思舊日  
綺羅人明月無家伴遊子

閨望二首

浮碧空谿草自芬  
月橫劍畫水平分  
思君目極

無天處雁過嶺頭空斷雲

其二

瘦玉含風秋復秋  
曲眉雙結水波愁  
白雲明月知歸路  
去客倒行何盡頭

春苦

坐背明燈淚背人  
被籠燠煖自爲親  
鳥愁花病雲偃蹇  
難說今春也算春

夢述

卸卻羅鞵袒半襟  
數杯明月隱楓林  
平時未必

知心者夢去相逢自有情

順流別

木葉初黃細雨收  
無情江水順行舟  
癡心欲挽東行棹  
淚滴波中不肯流

懷魏元

相對香齋綠正勻  
清歌送眼更愁人  
至今想起銜杯夜  
猶帶長安二月春

憐秋

我憐秋色秋憐我  
花影蕭蕭別去樓  
雲凍不飛

天半雨晚風一捲出山頭

題楊柳參差揜畫樓

年年憶別水西流盡日無端倚畫樓恨殺綠楊  
遮不盡斷魂烟雨盼歸舟

畫二

離情飄落滿江濱蕉雨梧風正暮春忽忽野鶯  
聲欲碎樓頭莫有斷腸人

其二

秋山樹色雨餘新片片飛紅間綠蘋誰處簫聲

莫嗚咽江頭多是載愁人

懷歸

歲月笑人人不省晨昏謀事事皆非豈無意赴  
雲霞約奈爾江花牽我衣

其二

病中不飲春風減病去銜杯又別離從此無聊  
何處是日沉山半下樓時

夜權

裁就新歌擬四愁笛聲烟斷百花樓平波蕩得

白如集 卷六 雙鳧懶柳線斜牽月一鉤

娥眉疎

猿穴陰深山外雨雁聲微渺月邊書空林可惜  
無人處誰坐危橋待玉如

西湖感

有引

與黍回來玉相感湖山之瘁謂以今日  
西湖比西子西子恚矣然安知非病心  
時也湖山憐我湖山豈受人憐兩君憐  
之兩君之湖陽也花粧零顛自是關情

而予與俱憐愚矣然不有急淚乎當別  
有致憐者作感懷詞投兩君

瘦山瘦我相憐病山半呼人鸚鵡低片影凍飛  
雲玉晚爲誰留夢竹枝西

閨怨

樓牕不啟少風吹樓外梅花多雨時待得信歸  
人已病開書猶訂百年期

秋倦

得意閒書塵四壁鳩子一聲寒寂寂夢情宛轉

入香烟曉簾卷出西山碧

郊送

十里送君君馬肥君遊酣快我何依馬頭一揖  
嶺雲沒孤袖披離烟雨歸

霞望

莫言霞影虛無相良藥奇書妙友人豈但百年  
常伴我不妨携去作來因

秋病二首

書來恰好命猶絲欲斷還牽幾箇時承問病容

難寫報請看秋盡野棠枝

其二

藤蘿四壁秋光暗一卷書收郵復親獨酌連宵  
多半雨勤教風景莫欺人

嚴灘

灘頭步步少平波何必魚竿讓局柯心被野雲  
留不放敢輕名利奈緣何

錢塘

二十年光不可追止餘花草又將菱所期久負

錢塘月夜夜潮忙問送誰

遠行

花自雙枝人自分既成同調自難羣單飛莫說  
無諸侶五里前頭有片雲

新相識

久聞情致果翩翩前此風流忍記年酒罷欲歸  
雲未起殘花偏問玉人憐

蛩

春鳥春鳥何相擲誰似寒蛩故相惜不向合歡

樓上鳴來同抱思吟秋壁

雪

一夜青山換眼看楊花斷處絮雲盤飛觴莫賀  
明年瑞幾處空閨添暮寒

古意

據夢尋真事明暗卽景思前懽久暫聽蕉訴雨  
聲起垂看我隨燈影濃淡

失意

墨尚淋漓白練絕栢脂蘸冷鷓鷯血一時雙照

鬢顏羞天上玻璃杯底月

秋恨

夢日隨行行更疾情堪飛到到何如審君去跡  
唯秋草不令回風寄妾知

贈別

幾片梅花飄月碎一盃霞影報粧成情仙應與  
天緣近豈向人間學負盟

行

風迎得意花情遠酒入離歌愁力彊勸子樓頭

休目送留儂未斷一絲腸

名歎

鶴非霄漢枉名仙人在圖書空號古總與人間  
緣不長湊成三字傳何苦

秋興

曲入灣頭更水清秋風有意點殘英江花本是  
無知者恨爲騷人說動情

寄意

曉飛簾雨暮飛鷗別未旬來夏已秋欲識倚樓

望何似試從烟嶺一回頭

春興

雲隔重樓面相失西橋帶過新弄瑟誰吹流酌  
起春風小鳥銜花贈求匹

春閨

宵來輕雨蕉聲送蕉雨流情情欲凍燕領春風  
窺幾時開簾放入天涯夢

感慰二作

十萬言書一布袍嘯聲迨處馬猶喬霜斑爲寫

客腸斷劔怒欲髡頂上毛

其二

誰笑當年是畫龍每於時到顯奇蹤一羣墨鳥  
鬱飛去山腹空林泉萬重

賦別

風來何處馬頭玲遠遠幽簫山遍青對此西風  
元欲淚况携杯酒坐離亭

驟寒

半龍牕碧雲虛點葉不藏巢鳥悶秋唯有故園

花未散最遲小蕊更風流

夜集有贈

笑語籠袖情眼垂芙蓉隔坐微香吹雙心結就  
藏杯底月色滿堂人不知

瓶梅影

壁側殘花人夢冷頃刻梅花換千本童子行來  
遮破燈可憐半折梅花影

集楊女郎

天涯別久暫相依飲少談清客醉微盆水灌花

連月倒枝枝盡挽素娥衣

悼

接得鄉書且勿歡良時花月少平安相知泉下  
人間半生死於今平等看

戲贈

滿山殘月影朦朦幾世緣來狹路逢袖底半承  
雙靨笑桃花何處借春風

送人

金鞵整罷雨滂沱得此淹留半日過苦盡挽若

君不住淚情輸却雨情多

悵

牕影疎疎未小春亂烟鋪地野棠新南風琴遠  
西風劍愁喜雙吹總誤人

秋懷

秋深落半家園葉不得牽回游子情樓外鏤鏤  
西去馬從他無數遠歸聲

柬寄

勉我淡心多謝病贈人情語亦還癡白鷗漁父

相期久唯爾功名好自爲

春懷

雨添花色還愁雨花受人愁不顧人難道玉門  
關外客年年燕去不知春

羨閒

水流自在行人險風徧千家游子酸閒客懶花  
無底事杯前日與其盤桓

別

莫向前途回首思花寒草病客先知持樽勸謂

隨行者倦馬霜高留意時

